

Broj: 06-11-246-1/2024-U-7-4
Sarajevo, 30.07.2024. godine

Na osnovu člana 70. st. (1) i (4), a u vezi sa članom 69. stav (2) tačka a) Zakona o javnim nabavkama Bosne i Hercegovine („Službeni glasnik BiH”, br. 39/14 i 59/22), a na prijedlog Stalne Komisije za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, sekretar Vlade Federacije Bosne i Hercegovine, d o n o s i

ODLUKU
O PONIŠTENJU POSTUPKA JAVNE NABAVKE USLUGA – PRUŽANJE USLUGA
ODRŽAVANJA I SERVISIRANJA SLUŽBENIH VOZILA ZA POTREBE GENERALNOG
SEKRETARIJATA VLADE FEDERACIJE BOSNE I HERCEGOVINE

I

Poništava se postupak javne nabavke: Konkurentski zahtjev za dostavu ponuda za javnu nabavku usluga – pružanje usluga održavanja i servisiranja službenih vozila za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246-1/2024-U-7-1 od 12.07.2024. godine, broj Obavještenja o nabavci sa Portala javnih nabavki: 854-7-2-106-3-30/24 od 12.07.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 49/24, s obzirom da nije dostavljena nijedna ponuda u određenom krajnjem roku za dostavu istih.

II

Odluka stupa na snagu danom donošenja i dana 30.07.2024. godine objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama.

Obrazloženje

Postupak nabavke pokrenut je Odlukom o pokretanju postupka javne nabavke, broj: 06-11-246-1/2024-U-7 od 11.07.2024. godine. Javna nabavka provedena je putem konkurentskog zahtjeva za dostavu ponuda. Ukupna procijenjena vrijednost nabavke iznosila je 7.800,00 KM bez PDV-a.

Obavijest o nabavci broj: 854-7-2-106-3-30/24 poslana je na objavu 12.07.2024. godine, te je istog dana objavljena na Portalu javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 49/24.

Tendersku dokumentaciju je preuzelo 6 (šest) privrednih subjekata. U krajnjem roku za dostavu ponuda nije dostavljena nijedna ponuda.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, dostavila je sekretaru Vlade Federacije Bosne i Hercegovine Zapisnik o zaprimanju ponuda, broj: 06-11-246-1/2024-U-7-2 od 26.07.2024. godine zajedno sa Preporukom za donošenje odluke o poništenju postupka, broj: 06-11-246-1/2024-U-7-3 od 26.07.2024. godine, za predmetnu nabavku.

S obzirom da nijedna ponuda nije dostavljena u krajnjem roku za dostavu istih ispunjeni su uvjeti za poništenje predmetnog postupka nabavke, u skladu sa članom 69. stav (2) tačka a) Zakona.

Uzimajući u obzir naprijed navedeno, a shodno članu 69. stav (2) tačka a) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana donošenja i objavljivanja na web stranici Ugovornog organa.



SEKRETAR VLADE

[Signature]
dr.sci. Edita Kalajdžić

Dostaviti:

1. Sektoru za pravne i opće poslove
2. Sektoru za materijalno-finansijske poslove
3. Komisiji za javne nabavke
4. a/a